

Hiztegitxoa


Hobeto irakurtzen laguntzeko



betiereko 'amaitezina, betirakoa'	«...oihu ikaragarri hark, mendeetan zehar harpeetatik zetorren alarau betiereko , basati hark garuna taladratu zion arte.»	(45)
betizu 'basatia, hezikaitza'	«— Etor hadi ohera! — erran nion, betizuari bezala.»	(21)
birundaka 'biraka'	«Tentuz hasten ninduan edaten, baina [...] luza gabe inguruko gauza guztiak birundaka hasten zitzaizkidaan..»	(128)
bisaia 'begitarte, aurpegia'	«Biharamunean, nire asmoa hori ez bazen ere, eguzkia bisaian eta hamarrak erlojuan esnatu nintzen.»	(145)
delibero 'erabakitzeke gogoeta'	« Delibero motz baina bizi baten ostean, irudiz zaharrena nigana inguratu zuan...»	(131)
ditxo 'babeslekua, portu gisako tokia'	«...batzuk olatuen kontra borrokan, bestetzuk ilunabarreko ordu barean urruneko ditxoren batean ainguratuta.»	(162)
duintasun 'dignitatea, errespetu gisakoa'	«...lehenengo klaseko bagoiek ohoretsu eusten diote beren izenari, baina duintasuna dakar mindua.»	(83)
durdiduta 'durduzatua, zorabiatua bezala'	«...hasi zen deadarrak botaten, harik eta inguruko jente guztia, durdiduta , dardar baten imini arte.»	(166)
ebatu 'oratu, heldu, eutsi'	«Haren gorputza ene alboan izan nuenean, hotza, ebatu egin nuen eta zaflatu, ezpainetatik odol hari bat zeriola geratu zen arte...»	(21)
ediren 'aurkitu, idoro, kausitu'	« Ediren ahal nituen botila guziak kentzen nizkion...»	(18)
eldarnio 'sukar-zorabioa, aluzinazioa'	«Nik ez nion eldarnio hari kasurik egiten, baina egunetik egunera ahultzen eta hondatzen ikusten nuen ene amatto...»	(18)
endemas 'are gehiago'	«Bestea, Edurnek baino ez dezake asma. Endemas , [...] berriz ere gezurra izan daitekeela buruan sartu zaidanetik.»	(106)
enparauak 'gainerakoak'	«...adiskiderik ez duk izan, heure burua bera salbu, enparauekin nork-arinago lehiak baizik ez hau lotu eta.»	(136)
erbain 'orbana, ebakiondoa' (cicatriz)	« Erbainez betea du aurpegia, baina ez da itsusia, liraina da, gorputz guzia urdindu zaion arren.»	(23)
erdeinati 'arbuia garria, mesprezugarria'	«Begirada fier eta erdeinatiz eraso zidatean...»	(131)
ernai 'itzarrik, erne'	«Egunkari eskuratu eta lehendabiziko muxua eman zion jadanik ernai zegoela jakin zezan.»	(110)
errari 'batetik bestera dabilena'	«...eguzki eta abenturen bila etorri ohi diren horietako gazte erraria .»	(161)
erratu 'errari ibili, galduta bezala'	«Ez zekiat zenbat denboraz erratuko ote nuen labirinto asmutsu hartan barrena, etxeen fabrika perfektua miretsiz...»	(130)
erregalia 'oparia'	«Jaiki nauk eta mun egin zioat, erregalia zerbait utzi eta aldegin diat.»	(128)
erresumin 'sentsazio jasangaitza'	«Erresumina zen. Ordura arte sekula sentitu ez bezalako erresumin erregarri bat...»	(30)
erretolika 'kopl, rollo'	«...galdetu nion bat-batean bere kexu erretolika etenaz.»	(87)
erretxina 'zuhaitzen gai likatsu arrea'	«...alditan eztiaren kolorea hartzen zuela, alditan anbar erretxina-rena .»	(160)
errezelo 'susmo txarrekoa'	«...gona estanpatua soinean..., "hippy samarra" erabaki nuen errezelozko behatze azkar baten ondoren.»	(145)
erroi 'beletzarra / hegazti haragijalea'	«Ortzera begiratzen dut eta hegaztiak ikusten ditut, baina ez dira usoak, erroiak baizik, edo miruak.»	(22)
eskaratze 'sukaldea'	«Amonak hartu zuen kikara [...] eta eskaratzer a joan zen.»	(14)

eskarnio egin 'burla egin, sufrierazi'	«Begirada hartan bazen orain [...] amenazu aire bat, itxuraz, nire xalotasunari trufa eta (...) sentimenduei eskarnio egiten ziena.»	(172)
eskuera 'eskumena, helmena'	«Nik, nire txoroan, mahai gaineko marmolezko hautsontzia kendu nion eskueratik , irribarre lelo bake-eskatzaila eaginez.»	(100)
eszentriko 'bitxia'	«Auzokoa (...) adinean sarturiko abokatu eszentrikoa genuen, dibortziatu, bufetea utzi eta erretiratu antzean bizi zena.»	(149)
ezagun izan 'agerikoa, begibistakoa izan'	«Operaz ez ongi ez gaizki ez zuten hitzegin. Ezagun zen entzun ere entzun zutena.»	(97)
ezerian 'ezer eduki gabe'	« Ezerian eta disziplina hertsian hazia haiz, etxetik eta herritik urrun.»	(136)
ezta urrik eman ere 'ezta pentsatu ere, inola ere ez'	«Zelan ezer esan? Ezta urrik eman ere! »	(163)
eztenkada 'sastada (mingarria)'	«...denak eztenkada bihurtzen zitzaizkion Enriqueri...»	(89)
fabrika 'eraikitze lana, fabrikazioa'	«Ez zekiat zenbat denboraz erratuko ote nuen labirinto asmutsu hartan barrena, etxeen fabrika perfeta miretsiz...»	(130)
fier 'oldartsua'	«Begirada fier eta erdeinatiz eraso zidatean...»	(131)
fite 'arin'	«Gezia bezain fite zabaldu zuan berria, malur beltz baten mandataria.»	(127)
fortunatu 'suertatu'	«Fortunatu, zabalagoa zen gorputz meharra zulatu beharrean, burua zartatzea otutzea fortunatu zen.»	(42)
futada 'tren zaharren txistua'	«Halako batean, orruen artetik trenaren bi futada entzun dira urrutian.»	(91)
gaitz 'haundia'	«Piramide gaitzek ditek mugatzen han hodeiartza, eta gizasemeek lerra handia ditek horietara...»	(129)
galbahe 'bahea, iragazteko tresna'	«...sasi-azterketaren galbahetik iragandako edozein orrik kolore aniztun zirriborroaren itxura hartzen zuelarik.»	(93)
galtzarbe 'besapea'	«...iluntzeko bederatzia aldera irten zen arreben pisutik soinean kaiku berde bat, galtzarbean partituren karpeta.»	(89)
gantz 'koipea'	«Neska segaila zen, gantz izpirik gabekoa.»	(154)
geriza 'babesa, itzala'	«Tunel baten iluntasunaren gerizan bidaia luzean elkarri begira joandako bi gazteren arteko sexu-harremanen kontakizunak...»	(77)
gerthu 'hur, hurbil'	«Paula haren ondoan zegoen, jezarririk bera ere, gerthu bezain mutu.»	(45)
gubernatu 'jagon, zaindu'	«Laurogei burutik gorako artaldea eta lau ahuntz gubernatzen zituen, eta ahuntzekiko saioek, hain zuzen, zaildu zutela zioten.»	(40)
gogobeteko 'asetzen duena'	«... <i>persona bakoitzarentzat</i> [...] <i>toki bakar, trukezin eta, agidanez</i> , gogobeteko bat <i>egokitua dagoenez geroztik</i> .»	(130)
goitinahi 'botanahia, goragalea'	«— Goizeko goitinahi hori... — hitz egin zuen berriro.»	(66)
gorritza 'odol piloa'	«Joxe Ferminen etxean gorritza guzti hura begiztatu zutenean, garrasi haundi bat eta lau txiki entzun ziren herrian.»	(42)
gose 'gose dena'	«Txerri goseak ezkurra amets, ordea.»	(65)
guri 'biguna eta leuna'	«Aurpegia ere ardi gazta kolorekoa zuen [...] ximur eta orbainik gabea, guria , zaildu gabea, bizar arrastorik ez zuena.»	(86)
hatsantu 'arnasestua'	«Aurea ixildu egin zen, hatsantua .»	(135)

hautsak jan 'zaharkitu'	«...han daude, hautsak janda , izenik ez duten erramintak ere...»	(114)
herra 'gorrotoa'	«Bazkaltzen ari gintuan, eta gorteko buruak hantxe zeudean, ene hitzetik zintzilik, irria bisaian eta herra bihotzean.»	(134)
histu 'ase, bete'	«...bere uste ona ukatuko dik eta, omena historik , izan hintekeenaz pentsatzen higituko haiz, malenkoniaz erreta...»	(136)
hodeiertz 'zerumuga, ortzemuga'	«Piramide gaitzek ditek mugatzen han hodeiertza , eta gizasemeek lerra handia ditek horietara...»	(129)
horditurik 'mozkorrik'	«Jadanik iragan dira hamar urte horditurik etxera eraman behar izan ninduteneko lehen arratsetik.»	(13)
huntz 'huntzorria, landare igokaria'	«...atea bultzatuz sartu nintzen etxaldean, baita konturatu ere abandonuaren huntzak apenas ezkuta zitzaieela [...] kalteak.»	(161)
hurbilagodanik 'ahalik eta hurbilenetik'	«...nire lanak hurbilagodanik ikusi behar eta elkarri bultza eta saka, xixtaz eta sakrez setan ari.»	(133)
igurikatu 'itxaron'	«Hara, han zegoen higitu gabe, hil nezan igurikatzen ...»	(20)
ilaun 'errekina edo errauts zatitxoa'	«Ederrenetarik baitzen segur, maindire laru artean ezteki bildua, hasperena bezain arin eta ilauna ...»	(133)
ilbehera 'ilargi aldi bat'	«Kalera atera zenean, gaugiro ederra zegoela ikusi zuen. Ilbehera .»	(69)
ilenti 'egur zati erdi errea'	«Sua zerbait suspertutakoan, agureak ilenti bat aukeratu zuen.»	(135)
inorhuts 'umezurtza' (zentzu fig.)	«...besta horietan erregeren itzal bihurturik nenbilen gaixo inorhuts honi, apaiz eta aitonen semeak baino gorago ezarria...»	(134)
iraungi 'indarra galdua, guztiz	«...eta nik anartean ikusi ez nuen emakume akitu eta iraungia ahalaz ez nekarazteko.»	(132)
isla 'erreflexua, zerbaiten distira'	«... isla delikatu bat begietaratu zitzaidaan, ezin esan hasieran zer zen.»	(132)
istil 'potxongoa, ur putzutxoa'	Zapla-zapla oinak istilik istil.»	(121)
itsaslabar 'goitik behera ebakitako itsas bazterra'	«Bertan, itsaslabarren oin-aldeko haitzartean, bazen sartune bat...»	(151)
izarniatsu 'distiratsua'	«Ahal nola erantzun nieran, batzuen ezpata eta ezkutu izarniatsu [...] imintzio eta jestukeriek hainbat kikildua.»	(131)
izendru 'izendua, hondakina'	«Aloka ustel, maskor pusketa eta itsas izendruz beterik zeuden arroka gainak...»	(158)
jauzika 'saltoka'	«Sugarrak kiribilka, lantarrak gora jauzika , egurrak txinpartaka...»	(127)
jelostiz 'susmo txarrekoa'	«Adio jelostiz despeditzen nindiaten, kortesiazko irriak eta berba amoltsuak ahoan.»	(129)
jetzi 'eraitsi, esnea atera'	«Mesede bat egin behar didazu, Pedro, entzun zion lagunari, ardia jetzen ari zelarik.»	(43)
junpatu 'zabunkatu, kordoka jarri'	«...inperioko hiriburua, gau izarratu aratz hartan inguruko aintziren uhinek gozaro junpatua , sehaskako sein polit bat iduri.»	(129)
kalapita 'eztabaida bizia, matraka'	«...gosari legea egin nian horiekin, jendearen mardaila indarberrituari eta kale populuetako kalapitari arretaz so.»	(131)
kalpar 'galparra, adatsa, ile multzoa'	«Hondora bidean, ordea, estu-estu jarri zizkidan belaunburuak aldaken parean, eta hatz gakotuekin kalparretatik tiraka hasi.»	(174)
kanpazo 'ganpazua edo mantela' (?)	«Gainera, mendian artzain ibiltzen zena Julio zen eta nik Juliori eramaten nion lapikokoa, hartu kanpazo batean eta.»	(191)



kara 'itxura'	«Babo karaz begiraten zion zerbitzariak hasieran...»	(90)
karkaba 'kuneta'	«...ekialdera, karkaba sakona, non mahats parra fruitugabeak bata bestearen gainean nahastekatu egiten ziren...»	(161)
karkaila 'algara, karkara'	«...erdi benetan erdi txantxatan zirto eta karkaila artean nire xedea zulatu beharrez eroria.»	(128)
karranka 'zarata bizi ezatsegina'	«Sai saldo baten antzera han hasi zituan denak ele eta marmar, karranka fiakaitzean zinuka...»	(133)
karraskilo 'zuhaixa mota (fruta beltza)	«Bertan kuzkurtu zen, bide bazterreko karraskiloen kontra. Zain gelditu zen.»	(57)
karreatu 'garraiatu'	«Alde guztietatik isain sakratuak karreatzen zizkian haizeak, kantika deboten oihartzunetan bilduak.»	(130)
karrika 'kalea'	«Garai hartan, orain bezala, Rum karrikan bizi ginen...»	(13)
kasketaldi 'aldikada, aldartea'	«Orduetan egongo zen horrela, hegazti arraio baten kasketaldien menera.»	(150)
kausitu 'aurkitu, idoro, ediren'	«...ama maiz kausitzen nuen horditua, bakardadeagatik, ohituragatik ere bai.»	(14)
kikildu 'beldurtu'	«Ahal nola erantzun nieran, batzuen ezpata eta ezkutu izarniatsu [...] imintzio eta jestukeriek hainbat kikildua .»	(131)
kinkaila 'generoa, erosgaia'	«—Bada, bihar ikusiko dugu zer kinkaila mota den —esan nion nik.»	(155)
kiribilka 'birak eginez'	«Sugarrak kiribilka , lantarrak gora jauzika, egurrak txinpartaka...»	(127)
kitzikatu 'zirikatu, eragin'	«Malezia pitta batekin, pulpea eskaintzen zidatean, mingaina kitzikatu nahiz.»	(128)
kokildu 'kikildu, uzkurtu, adorea galdu'	«...eta zokora erori zen berriro, eta gorputz utzia areago kokilduz , burua belaunetan babesturik, kantoi bihurtu zen.»	(45)
kordoka 'alderoka, balantzaka'	«...nire erantzunkizunaren kausaz, kordoka hasi ninduan eta, ezin gehiago jasanez...»	(130)
kostea kosta 'kosta ahala kosta, edozer kostatuta ere'	«Milioi hura eskuratuko nuen kostea kosta .»	(77)
kraka 'graka, ugerra, zikinkeria	«Bat bazen egokia: edadetu samarra, krakak eta zikinak askorik jan gabea, burua soildua...»	(90)
kresal 'gezala, itsas uraren gazitasuna'	«"Donostiako giroak, arrea, bustia, kresal usainekoa...»	(83)
kulunkari 'mugimenduan dagoena'	«Nik nekiela, Donostiatik Bilborako tren kulunkaria "Ferrocarriles Vascongados" enpresarena izan zen betidanik...»	(78)
kuluxka 'lotalditxo'	«Bazkalondoan, nerbioek ahitua, lorik ezak abaildua, kuluxka bat egin ondoren [...] lorategira jo zuen.»	(103)
kupida 'errukia	«Eta arizpearra bihotz biguneko jendea da; horregatik jaio zitzairen kupida mikatz hura	(46)
kuxidade 'txukuntasuna'	«Han ez zen kuxidaderik! »	(163)
kuzkurtu 'uzkurtu, batu-batu eginda jarri'	«Bertan kuzkurtu zen, bide bazterreko karraskiloen kontra. Zain gelditu zen.»	(57)
lahar 'sastraka, belartzarra'	«Krisk! Adarra hautsi eta mutila buruz aurrera erori zen laharrak janda zegoen hesiaren bestaldera.»	(118)
lakar 'latza, leuntasunik gabea'	«...egusentira arte, haizeak magnolia hosto lakarrekin jolasteari utzi zion arte.»	(157)

txirtxilatu 'zirtzilatu, txiki-txiki egin'	«Baziren, halaber, bolero plaka zakarrak eta, teontzi txirtxilatu baten azpian pipiek jandako zenbait liburu...»	(147)
txitxi 'haragi, okela' (ume hizkuntza)	«Bat bazen egokia: edadetu samarra [...] burua soildua eta eta eskaleek nekez osa zitzaketen txitxi en jabe zena.»	(90)
tzar 'haundia, gaitza'	«Gogoeta hori nerabilela, ustekabean, gerlari talde batek zaindutako ate tzar batera iritsi gintuan.»	(132)
ubarroi 'uherroia' (cormorán)	«...galdetu zidan Mariak orduan, jadanik, ubarroi baten itxuraz...»	(155)
uda min 'uda sasoi bero-beroa'	« Uda mineko eguna gehiago zirudien udaberrikoa baino.»	(144)
uhin 'olatua'	«Ate ertzera heltzean, jiratu zen eta lehertzeko unean izaten duen indarrez eraso zidan apardun uhinak .»	(102)
usain min 'usain sarkorra, gogorra'	«...tren geltokiek txiki denborara itzulazten ninduten, lokarri, hango komunetako txix usain mina zela. Pattala, bigunegia.»	(78)
usu 'sarri, maiz, askotan'	«Baina ez nintzen usu egoten etxean...»	(14)
uxkur 'makur-makurturik'	«...eta hortik zehar barneratu ninduan ni, oinak loka eta uxkur-uxkurra .»	(131)
uzkurtasun 'mesfidantzaz'	«Azkenean dutxa isilarazi eta egunari eta egoerari ez zegokien uzkurtasunez [...] "lagun izango gara" esan zidan...»	(85)
uztarri 'idiak lotzeko zurezko tresna'	«...aulkiren bat konpondu, edo halako baserritar batek enkargatutako uztarria egin, edo...»	(114)
xafla 'xerra, puska'	«...lau pupitre ilada zuzen-zuzenetan [...] eskola dena betetzen zuen xafla bat eginez.»	(184)
xalamatika 'gorabehera, ezadostasuna' (?)	«Pertsonaia nagusi eta ia-ia bakarraren deskribapen fisikoa egitean ere xalamatika batzuk izan genituen.»	(86)
xalotasuna 'atsegina, lañoa'	«Beguirada hartan bazen orain [...] amenazu aire bat, itxuraz, nire xalotasunari trufa eta (...) sentimenduei eskarnio egiten ziena.»	(172)
xaxatu 'akuilatu, zirikatu'	«Ederki zekien herioak txakurrak xaxatzen . Alferrik zuen Xuri lasaitzen saiatzea.»	(56)
xaxatzaile 'zirikakor'	«"Behatzak hori-hori eginda dauzkazu" esan zidan lehor, gerrara doanak lehen gezi xaxatzailea jaurtitzen duen bezalatsu.»	(100)
xehe 'diru soltea'	«Ordaindu egin zuen. Markoxek bihurtu zion xehea jaso eta kanpora abiatu zen bera ere.»	(63)
xeratsu 'maitakorra'	«Maggie xeratsuagoa zen orduan, ama eriturik zela.»	(18)
xixta 'zirikada' / (lantzeta, bisturia)	«...nire lanak hurbilagodanik ikusi behar eta elkarri bultza eta saka, xixtaz eta sakrez setan ari.»	(133)
zabukari 'kulunkaria'	«...porturatzen ari ziren kargaontzien errainu ilunak agertu zitzaiz- kigun, halako potin zabukariak , biraka zebiltzan kaiok...»	(152)
zafratu 'astindu, bortxaz kolpatu'	«"Deskuidatu egin haiz, neska", pentsatu nuen eta ura amorrui zafratu , besoekin, hankekin, ondo nekatu arte.»	(154)
zahato 'ardo bota txikia'	«Eta azkenean, Braulio, ahuntzainak eskaitzen zion zahatotik edan gabe, etorria zen bidean behera jaitsi omen zen.»	(42)
zaildu 'gogortu'	«Laurogei burutik gorako artaldea eta lau ahuntz gobernatzeko zituen, eta ahuntzekiko saioek, hain zuzen, zaildu zutela zioten.»	(40)
zainarta 'irtena, neurritz kanpoko'	«Gaitza zen, zainarta , gaztetasunak betegintzarrearen azalia abesten zuen bere gorputzean.»	(137)
zakartu 'bizi jarri'	« Zakartua zegoen itsasoa baina, oso zakartua.»	(101)



zakatz 'arrainen arnas zuloguneak'	«...biraka aritzen zen arrainaren zakatz eztena eztarrian sentitu arte.»	(156)
zanpatu 'zapaldu'	«Imanolek zerbait biguna zanpatzen ari zela somatu zuen.»	(123)
zantzu 'aztarna, seinalea'	«...Paularen irribarre gogo hura irribarre amatiarra zeneko lehenengo zantzua... »	(39)
zapartatu 'zapart egin, errementatu'	«...Jainkoen hizkuntza ezin koka daitekeela gizaseme baten buruan, non ez den burua zapartatzeko perilean.»	(132)
zapuztu 'ustekabe batek tristetu' (<i>defraudar</i>)	«Eta ni alde batetik pozik nengoen [...] baina, bestaldetik, zapuztu samar sentitzen nintzen...»	(148)
zarpail 'zahar-zikina, itxura txarrekoa'	«...gela erditxoan kokatu genuen, saretxo zarpaila nola zutitu pentsatzen ari ginela.»	(146)
zarrapastroso 'itxura txar-txarrekoa'	«...konturatu da umea atzean geratu zaiola, andeneko banku batean luzetara lo datzan eskale zarrapastroso bati begira.»	(84)
zarrasta 'inpresioa'	«...salto batez ur gardenetan murgildu nintzen. Hura zarrasta! »	(153)
zartada 'kolpe indartsua'	«...Jainko zauritu batek ez bestek jaurtiki lezakeen tximistaren zartadak burua makurrarazi zien.»	(120)
zatar 'itsusia, higuin garria'	«Orduan, mutilzahartasunaren salatari, gauzarik zatarretan zatarrenak bistatzen zituen jendearen aurrean...»	(87)
zela 'azpiko aldea'	«Gogoratzen dut whiskya edan ondoren edalontziaren zelara begira gelditu nintzela...»	(13)
zemaikor 'mehatxuz'	«...amorra eta ezintasunezko <i>akordatuko haiz!</i> bat jalgi zen trumoitsu eta zemaikor... »	(30)
zerri egin 'lohitu, zikindu'	«Afari ona egin behar genuela esan zidan eta emateko mantala, bestela arropa berria zerri egingo zuela eta.»	(94)
zetaka 'orbaina, mantxa'	«...hiru balandroren zetaka zuriak salbu, urrutira, zerua eta itsasoa funditu egiten ziren ortzemuga lausoan.»	(152)
zetako 'zertako, zertarako'	«Hona etorri erregina lez biziko zalakoan eta zetako? »	(168)
zimaurtu 'hondatu, alferrik galdu'	«Lan biribila zimaurtu nuen nonbait, ipuin eder askoa zabor bihurtu.»	(101)
zindo 'bulartsu, kementsu'	«Bete ezak, bada, hire eginbidea zuzen, sendo, zindo. »	(136)
zinka 'zinkada, eguzkiak eragindako ondoeza'	«Hasieran, eguzki zinkari egotzi nion errua.»	(156)
zintzarri 'joarea, animalien kanpaitxoa'	«...goiko larreetan ardien zintzarriak aditzean aitona txakurrari txistuka entzun lezakeena...»	(112)
zinuka 'kainuak egiten'	«Sai saldo baten antzera han hasi zituan denak ele eta marmar, karranka fiakaitzean zinuka... »	(133)
zipiztu 'txiki-txiki egin'	«Itsasoan, gorpuaren falta ulergarria zen guztiz, baina trenak harrapaturiko gizonarena ez da desagiteraino zipizten. »	(88)
zirin 'biguna'	«Egunsentiaren argi zirinari berehala etorri zitzaion argi zabala igande eder baten atarian.»	(110)
zirrara 'ikara, inpresioa'	«...berotasun berezi hura [...] zor zitzaiola ezerezetik hasi eta istorio bat asmatzeak sortu ohi duen zirrarrari. »	(81)
zirto 'ateraldi bizia'	«...erdi benetan erdi txantxatan zirto eta karkaila artean nire xedea zulatu beharrez eroria.»	(128)
zirzilu 'arrakada, belarritakoa'	«Zerbaitek esaten zidan nire pirata zirzilurik gabe geratuko nintzela...»	(160)

